

ხელშეკრულება 7/20

სახელმწიფო შესყიდვის შესახებ

(ელექტრონული ტენდერი SPA190005104)

ქ. თბილისი

25 ნოემბერი, 2019 წ.

საქართველოს სახელმწიფო უსაფრთხოების სამსახური (მის: ქ. თბილისი, 9 აპრილის ქ. N4, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204584887), შემდგომში წოდებული „შემსყიდველად“, წარმოდგენილი ეკონომიკური დეპარტამენტის დირექტორის სერგო ჯანელიძის სახით და

მიმწოდებელი: შპს „ინტელკომ ჯგუფი“, საიდენტიფიკაციო კოდი: 202441189

მისამართი, ტელეფონი: ქ. თბილისი, დიდის მასივი, 5 კვ, 9 კორპ, ბ. 71; ტელ/ელ. ფოსტა: 2481633; sale@intellcom.net

დირექტორი: ირაკლი ნოზაძე

საბანკო რეკვიზიტები: ს/ს „თიბისი ბანკი“ ბანკის კოდი: TBCBGE22 ანგ. ანგარიში: GE76TB7037936020100003

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, თანდართული ყველა დოკუმენტით, რომელიც ხელმოწერილია მხარეთა მიერ.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ტექნიკური დოკუმენტაცია“ - მიმწოდებლის მიერ SPA190005104 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 წინამდებარე ხელშეკრულების დანართი N1-ით განსაზღვრული ვოიზ ტელეფონების შესყიდვა (CPV - 32552100).

3. ხელშეკრულების ღირებულება

- 3.1 ხელშეკრულების ღირებულება შეადგენს - **17420.00** (ჩვიდმეტი ათას ოთხასოცი) ლარს.
- 3.2 ხელშეკრულების ღირებულება მოიცავს საქონლის ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული საქონლის მიწოდება დანართი N1-ით განსაზღვრულ ვადებში და ადგილზე;
- ბ) გადასცეს შემსყიდველს უფლებრივად და ნივთობრივად უნაკლო საქონელი;
- გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) აუნაზღაუროს მიმწოდებელს მიწოდებული საქონლის ღირებულება ხელშეკრულებით განსაზღვრულ ვადებში და ფორმით;
- ბ) უზრუნველყოს ხელშეკრულების შესრულების კონტროლი;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი და საგარანტიო ვადა

- 5.1. მიწოდებული საქონლის ტექნიკური მახასიათებლები და ხარისხი უნდა შეესაბამებოდეს ხელშეკრულების დანართი N1-ში მითითებულ ტექნიკურ მაჩვენებლებს.
- 5.2. საქონელზე უნდა ვრცელდებოდეს საგარანტიო ვადა საქონლის მიღება-ჩაბარების დღიდან 2 წლის განმავლობაში; საგარანტიო ვადის პერიოდში არა შემსყიდველის ბრალეულობით დაზიანების და დეფექტის მქონე საქონლის, მათ შორის საექსპლუატაციო თვისებების ვადაზე ადრე გაუარესების დაფიქსირების შემთხვევაში, შემსყიდველი მიმართავს მიმწოდებელს, ხოლო მიმწოდებელი ვალდებულია საკუთარი ხარჯებით აღმოფხვრას გამოვლენილი წუნი (თუ ეს შესაძლებელია) ან ჩაანაცვლოს წუნდებული საქონელი ახლით შემსყიდველის მოთხოვნიდან არაუმეტეს 5 (ხუთი) სამუშაო დღის განმავლობაში.

6. ხელშეკრულების შესრულების კონტროლი და საქონლის მიღება-ჩაბარების წესი

- 6.1. შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში.
- 6.2. ხელშეკრულების პირობების შესრულების კონტროლსა და საქონლის ტექნიკურ დათვალიერებას განახორციელებს **სახელმწიფო უსაფრთხოების სამსახურის ეკონომიკური დეპარტამენტის მატერიალურ-ტექნიკური უზრუნველყოფის მთავარი სამმართველოს ლოჯისტიკის სამმართველოს მომარაგების სამსახურის მთავარი სპეციალისტი ზვიად ბასილაძე, ხოლო საქონლის მიღება-ჩაბარების აქტის გაფორმებას უზრუნველყოფს სასაწყობო სამსახურის შესაბამისი უფლებამოსილი პირი.**
- 6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. წუნდებული საქონლის აღმოჩენის შემთხვევაში, მიმწოდებელი ვალდებულია წერილობითი შეტყობინებიდან **5 (ხუთი) სამუშაო დღის** განმავლობაში გამოსწოროს წუნი.
- 6.4. ობიექტური მიზეზით 6.3 პუნქტით განსაზღვრულ ვადაში წუნის გამოსწორების შეუძლებლობისა და შემსყიდველის მიერ მიწოდებული საქონლის ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული საქონლის ღირებულება შემსყიდველის მიერ მითითებულ გონივრულ ვადაში.
- 6.5. შემსყიდველი უფლებამოსილია განაცხადოს უარი უხარისხო (წუნდებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.
- 6.6. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 6.7. ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელება.
- 6.8. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება

- 7.1. ანგარიშსწორება განხორციელდება შემდეგი პირობებით:
- ა) ანგარიშსწორების ვალუტა - ლარი;
 - ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 7.2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევი დოკუმენტაციის გამოწერიდან/წარმოდგენიდან **10 (ათი) სამუშაო დღის** განმავლობაში, ხოლო იმ შემთხვევაში, თუ მიმწოდებლის მიმართ გამოყენებული იქნება მე-9 მუხლით განსაზღვრული საჯარიმო სანქციები, მიმწოდებლის მიერ აღნიშნული საჯარიმო თანხის გადახდიდან **10 (ათი) სამუშაო დღის** განმავლობაში.
- 7.3. დაფინანსების წყარო 2020 წლის სახელმწიფო ბიუჯეტის სახსრები.

8. ხელშეკრულების შესრულების შეფერხება

- 8.1. ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9. ხელშეკრულების პირობების შეუსრულებლობა

- 9.1. წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული საქონლის მიწოდების ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ ვადაგადაცილებულ დღეზე, შეუსრულებელი ან/და უხარისხო მიწოდებული საქონლის ღირებულების **0.2%-ის** ოდენობით.
- 9.2. იმ შემთხვევაში, თუ 9.1 პუნქტით გათვალისწინებული დარღვევებისათვის ვადაგადაცილებული დღეების რაოდენობა გადააჭარბებს 30 კალენდარულ დღეს, შემსყიდველი უფლებამოსილია მიმწოდებელს დააკისროს პირგასამტეხლო **ხელშეკრულების ღირებულების 5%-ის ოდენობით**.
- 9.3. შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების არაჯეროვნად შესრულების ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის ოდენობით**.
- 9.4. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

- 10.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.
- 10.2. წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

- 11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
- 11.2. თუ მოლაპარაკებით შემსყიდველი და მიმწოდებელი ვერ შეძლებენ სადავო საკითხის გადაწყვეტას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

12. ხელშეკრულების შეწყვეტა

- 12.1. შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.3 პუნქტით გათვალისწინებული საჯარიმო სანქცია. აღნიშნულის შესახებ შემსყიდველი წერილობით აცნობებს მიმწოდებელს.

- 12.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.
- 12.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
- 12.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

13. ხელშეკრულების მოქმედების ვადა

- 13.1 წინამდებარე ხელშეკრულება ძალაში შედის **2020 წლის 1 იანვრიდან** და მოქმედებს **2020 წლის 31 მარტის ჩათვლით**.

14. ფორს-მაჟორი

- 14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 14.2 წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 14.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

- 15.1 ხელშეკრულება შედგენილია ქართულ ენაზე ელექტრონული სახით და მხარეთა მიერ დადასტურებულია კვალიფიციური ელექტრონული ხელმოწერით/შტამპით.

დანართი N1								
ფასების ცხრილი								
N	საქონლის დასახელება	განზომილები ს ერთეული	რაოდენობა	ერთეულის ფასი (ლარი)	ჯამური ღირებულება (ლარი)	მიწოდების ვადა	მიწოდების ადგილი	საგარანტიო ვადა
1	უკაბელო IP ტელეფონის სადგური ყურმილით - უკაბელო IP ტელეფონის სადგური არანაკლებ 8 ცალი ყურმილის მიერთების საშუალება, არანაკლებ 8 VoIP ანგარიში, არანაკლებ 8 ერთდროული ზარი, შენობის შიგნით დაფარვის ზონა: 20მ ~ 50მ შენობის გარეთ დაფარვის ზონა: 300მ (იდეალური პირობების შემთხვევაში) ენერგიის შენახვის რეჟიმები: ECO mode / ECO Mode+ ფართოზოლიანი კოდეკები: Opus, AMR-WB (optional), G.722, ვიწროზოლიანი კოდეკები: PCMU, PCMA, G.726, G.729, iLBC კონფიგურაცია: ბრაუზერით/ტელეფონით/ავტომატური კონფიგურაციით ავტომატური კონფიგურაცია: TFTP/FTP/HTTP/HTTPS/RPS, ავტომატური კონფიგურაცია PnP-ის გამოყენებით, ეზერნეტ პორტი: 1 x RJ45 10/100M, Power over Ethernet (IEEE 802.3af), Class 1, სამუშაო სიხშირე: 1880 – 1900 MHz, DECT სტანდარტები: CAT-iq2.0., უკაბელო ყურმილი თავსებადი საბაზო სადგურთან, ეკრანი:2.4" ზომის 240x320 გაფართოების ფერადი ეკრანი, ფონური განათებით, შეტყობინების მაჩვენებელი: ხმოვანი ფოსტის და გამოტოვებული ზარის ჩვენება ეკრანზე, ენერგიის მანათივლი ინდიკატორი თარიღი და დრო (ხელით ან ავტომატური სინქრონიზაციით),ეკრანზოგი (Screen saver),მრავალენოვანი მხარდაჭერა ,ლილაკების ფონური განათება სიგნალის დაჭერის რადიუსი შენობაში მოხმარებისას: 20მ ~ 50მ სიგნალის დაჭერის რადიუსი გაშლილ სივრცეში მოხმარებისას: 300მ ელემენტის ხანგრძლივობა Standby რეჟიმში: მაქს. 400 საათი ელემენტის ხანგრძლივობა საუბრის დროს: 30 საათი, 12 ნომრის აკრეფის დილაკი, 5 ნავიგაციის დილაკი, 2 პრეგრამირებადი დილაკი, 6 ფუნქციური დილაკი, 6 იარსის დილაკი ორი კონკურენტული ზარი თითოეულ ყურმილზე ავტომატური ინტერკომი, ავტომატური პასუხი საუბრის დაპაუზება (Call Hold), ზარის გადართვა ზარებს შორის გადართვა 3 მხრივი კონფერენცია ლოდინის რეჟიმი (Call Waiting), ხმის გათიშვა, არ შემწეობი (DND) ზარის გამორეზა (Redial), ზარის გადამისამართება (Call Forward) ნომრის სწრაფი აკრეფა, ხმოვანი ფოსტა (VoiceMail) სატელეფონო წინის მეხსიერება: 100 ჩანაწერი, დამორებული ტელეფონების წინა ტელეფონების წინის ძებნა / იმპორტი / ექსპორტი ზარების ისტორია (გასული / გამოტოვებული / შემოსული) პირდაპირი IP ზარი SIP პროქსის გარეშე ანონიმური ზარის განხორციელება, ანონიმური ზარის დაბლოკვა. მწარმოებელი- Yealink, მწარმოებელი ქვეყანა- ჩინეთი, მოდელი W60P	კომპლექტი	10	410	4100	2020 წლის 1 იანვრიდან 2020 წლის 28 თებერვლის ჩათვლით.	ქ. თბილისი, ვაჟა-ფშაველას გამზ. N72.	საქონლის მიღება-ჩაბარების დღიდან არანაკლებ 2 წლის განმავლობაში.
2	VOIP ტელეფონი- პორტების რაოდენობა: არანაკლებ 2 ცალი 10/100Base-TX, PoE support. SIP ანგარიშები: 6, HD ხმა: HD handset, HD speaker ეკრანი: 2.7" 192 x 64 -pixel graphical LCD. Backlight, დილაკები: 6 programmable line keys (Up to 15 Paperless DSS Key), Busy Lamp Field (BLF), 4 soft keys., ვოიკ პროტოკოლები: SIP უსაფრთხოება: Transport Layer Security (TLS), Secure Real-time Transport Protocol (SRTP). HTTPS certificate manager, ქსელი: DHCP, HTTP/HTTPS web server, SNMP, CDP, UDP/TCP/DNS-SRV(RFC 3263),QoS: 802.1p/Q tagging (VLAN), Layer 3 ToS DSCP, OpenVPN, IEEE802.1X, IPv6 კონფიგურაცია: Configuration via browser/phone/auto-provision, Auto provision via FTP/TFTP/HTTP/HTTPS/ for mass deploy. Auto-provision with PnP, Zero-sp-touch, AES encryption for configuration file, ტრაფიკის პრიორიტეტიზაცია: QoS Support –IEEE 802.1p/Q tagging (VLAN), Layer 3 TOS, and DSCP, კოდეკები: G.711 (A-law and μ-law), G.729AB, G.722, G.723.1, G.726, iLBC აქსესუარები: Power supply, თავსებადობა: Compatible with Asterisk PBX. ხმის ფუნქციები: VAD, CNG, HD voice, Acoustic echo cancellation, Background noise suppression, Packet loss concealment, Adaptive jitter buffers, Automatic GainControl, DTMF: In-band, Out-of-band(RFC 2833) and SIP INFO . სტანდარტების მხარდაჭერა და უსაფრთხოება: FCC, CE Mark, RoHS Compliant, Reach. მწარმოებელი- Yealink, მწარმოებელი ქვეყანა- ჩინეთი, მოდელი SIP-T41S.	ცალი	40	333	13320			
სულ ჯამი:					17,420.00			

შემსყიდველი
სახელმწიფო უსაფრთხოების სამსახურის
ეკონომიკური დეპარტამენტის დირექტორი
სერგო ჯანელიძე

მიმწოდებელი
შპს „ინტელკომ ჯგუფის“
დირექტორი
ირაკლი ნოზამე